

湖北府縣志輯

三才圖會

同治公安縣志
同治松滋縣志

資治通鑑

公安縣志序

公安為岷江南入洞庭故道無
崇山峻嶺之阻沮洳卑溼衆
流所趨水漲輒成巨浸無治倚
隄為固道光辛卯以後城被

公安縣志 卷之首 倪序 一

圮者屢矣官斯土者率以脩
防澹安為務而圖籍之散失
紀載之闕略百餘年來無暇
過而問者周君壽農攝政之
明年江漲大至城圯於水全

境為灾君謀於郡人士力主遷

城之議申之臺司借帑鉅萬
寓振於工經營凡四月而畢復
以餘力蒐輯志乘將付剞劂
問序於余且云是役也與遷

公安縣志 卷之首 倪序 二

城一舉相為經緯余嘉君之
言為嘗手作志之義也鄭
漁仲曰古者記事之史謂之
志昔有避河患仲丁遷囂河
宜甲居相祖乙圯秋史皆有述

中國地方志集成

湖北府縣志輯 ④8

同
治
松
滋
縣
志

同
治
公
安
縣
志



江蘇古籍出版社 ● 上海書店 ● 巴蜀書社

其存者獨盤庚三篇雖尚質
之朝紀載或略之安知水流離
播遷圖籍散失後人無所據以
為攷與並則君所云之不誠為焉
論哉夫遷城大役也春秋之法
有役必書遷城之役乃改所自
出凡疆里之沿革田賦之等差
人物之興替公私冊籍惟專城
者司之今出政之地既定復綜
其政之輕重緩急勒為成書

俾後之攬者以所藉手用心抑何
唐耶君以朞月之任創百年未
成之舉大役措注裕如固
足為又重之繼又治者籲懷昔新
邑按其圖籍權夫改之輕重緩
急偏者補之墜者舉之甚者改
弦而更張之不下堂階從容就
理行見壘里闕田賦充人物勗
興灾祲不作即謂後日之公安公
實貽之以安也是可書也

同治十三年歲在甲戌暮春二月
賜進士出身翰林院庶吉士前
刑部江蘇司郎中知荊州府
事望江倪文蔚知岑甫洪並書

公安縣志

卷之首

倪序



五



叙

事有似回而實創者為治於荒廢之後
纂書於散亡之餘是也公安地沃饒而
濱江豐歲則富樂甲一郡遇水潦城邑
隳壞圖籍且之湮沉致為治者時有更

公安縣志

卷之首

周敘

六

張之勞而紀事者更有無徵之嘆然既
已身任其責即不得不盡心乃職思有
以彰前軌而示來茲同治壬申余蒞茲
土甫下車目覩境內流離困苦狀蓋水
之為害已四十餘年至是而尤劇焉思

邑自左公肇建以來代有名人今之所見迥不逮晉之所聞問諸故府舊志修於康熙辛丑版本俱失惟同治三年攝令袁君有重修之舉又甫及半而止惜其無成爰於遷城之際集邑士踵而

公安縣志

卷之首

周敘

七

輯之釐為八卷分為七十二門大綱舉細目張並繪新圖付梓夫變古所以適今而居今不廢鏡古余之治公安適當日創之交其所行之果能濟盲而垂後不敢知也袁君之志公安亦在日

創之間其所行足以信今而傳後固已見其梗槩矣余之吏術學識誠不敢望袁君而惓惓災黎起羸蘇困之意則先後同符閱者可冥契於簡牘間若曰此不過土苴糟粕聊以備一邑之掌故

公安縣志

卷之首

周敘

八

則余與袁君之志事隱矣其修書刊版之費同治初紳捐所存無幾災後不欲重煩民力特為請於太守倪公捐助并自分俸以濟之乃得歲事蓋與遷城一舉相為經緯云

首在

同治十三年歲次甲戌五月既望

誥授奉直大夫同知銜權知公安縣事江

都周承弼壽農甫謨并書



公安縣志

卷之首

周敘

九

[Faint bleed-through text from the reverse side of the page]

同治壬申余宰漢川適川志告成余覽而慚

甚因憶甲子夏權公安慨邑志之不修者百

五十年搜採之難倍於他邑爰進都人士集

賢修葺閱二載書未竣旋解任去後迄無踵

而成之者已歷七稔於茲矣前年冬周君壽

農往攝邑篆余適病卧未及晤送而心識周

君之為人清勤廉敏勇於任事是書之成當

公安縣志

卷之首

袁序

十

屬於君蓋未嘗須臾忘懷也今果偕諸君子
輯而梓之復不沒余之微勞索叙於余余感
君之謙不敢以不敏辭獨念公安地勢低窪
環江湖之巨流沿川峽之宗脉累年暴漲建
瓴而下堤屢築屢潰城旋修旋圯居人多鴻
螯之苦邑乘鮮鳩集之日不有以改絃更張
之則載胥及溺其何能淑聞君近遷城於庶

家岡邑高阜處也甫半載官署建廟社立民
居定憂者以喜困者以蘇而志書適成蓋有
非常之功必待非常之人而創始之與困終
則不可同日而語余治公也久深知災患頻
仍民貧地瘠每有興作絀於經費智者束手
嘆無能為君於期年之間政通人和百廢具
舉成前人未竟之功貽後世無窮之福其識
力為何如哉夫遷城之役實余力之未逮志
書之成固余私心企望者也是不獨公邑士
民之幸卽衰朽如余能不感興起舞乎微周
君余將長抱慚於漢川之志已

同治拾叁年歲次甲戌季春前知公安縣
事山陰袁鳴珂撰於鄂渚寓次

公安縣志

卷之首

袁序

十一

原序

雷思霈

今大地皆志也而世所傳者隨州武功雍紀青齊隨
州編年近迂武功敘事近簡雍清河山百二十二足
以作其氣而壯其爲文旁引雜出不能成一家言由
是觀之大地不必皆志也楚志助自禹貢山海經惟
言山川田土貢賦物產以至詭異神奸今人所畧古
人所詳檮杌楚書始綜人理離騷九辨始侈聲歌而
漢魏以來輿地圖經往往不乏厥後袁崧有宜都郡
記盛宏之有荊州記庾仲雍有江記宗懷有荆楚歲

公安縣志

卷之首

原序

三

時記羅含有湘中記習鑿齒有襄陽耆舊傳郭中產
有襄陽記鮑堅有南雍記鄒闕甫有楚國先賢傳余
知古有渚宮遺事范致明有岳陽風土記諸君子以
該博閎廓之學發沈鬱藻贍之思高山仰止景行行
止履其地者恍若曾遊想其人者欣如可作未嘗不
惆悵終日也寥寥千古誰傳盛事而余友中郎始有
公安志適錢令君屬之中郎文章言語俱妙天下是
志也扶奇搜奧辨物核情絕無老博士一酸語予以
爲獨類習襄陽予一至公安坐中郎及弟小修柳浪



瀟碧館中玉篠絲楊長塘曲港晨鳧夕鷺曝甲騰鱗
觴詠晤言頗有習池氣味而四海瀾天風期俊邁政
足相當襄陽首敘人物中及山川公安僅僅江湖數
片白黃山一點青而已無隆中峴首鹿門楚望洞壑
林泉之勝以角其胸中之磊塊無司馬諸葛崔徐羊
杜皮孟之流以寫其神韻表其文采而垂後世雖然
陵谷遷變世界密移方言市券皆具妙語稗官小說
皆成至文而况以一代才作一邑志并廬不改文獻
足徵何必卑視時賢仰資異代也傳聞中郎爲子瞻

公安縣志

卷之首

原序

三

後身嗟乎子瞻不敢作三國史而中郎能爲一國志
豈隔世精靈乃更增益耶隨州武功始置之矣今公
安所患若府城而囑隄者莫如江水請以水道問中
郎中郎起家尙書禹貢導江東至于澧過九江至于
東陵今江不入澧而入荆江自夔門而下荆門勢浩
瀚不可遏江之入澧也禹導之也江之入荆也不知
何時江自導之也書曰雲土夢作又周官職方其澤
敷曰雲夢曰土與藪其義自見昔以長江入九江故
殺而漫令以九江入長江故扼而溢勢使然也業已

不能復故道獨不可解督儒疑經之大惑耶又請以
水利問令君令君生長澤國習水形情公安據油口
上下數百里間凡十數口用洩江怒使四出耳今數
百里皆隄矣水土激而盪風雨乘之上盪而下漏而
決裂之勢成矣今日定不可鑿堤定不可去不日善
防者水滌之乎是或一道也油水出武陵白石山與
澧水會而房陵城背油向澤其油水流公安西又北
乃入江是古城皆去江遠甚今割江脣而與之爭安
能當陽侯之波獨不可稍徙而築之高阜乎令君公

公安縣志

卷之首

原序

十四

忠廉平嫻於文辭通於經術而以身捍堤堤不爲動
以泣開渠渠不爲厲是必能辦此矣中郎絕慎許可
國朝賢牧列傳不數人而津津乎賢

原序

毛壽登

曩嘗見先輩巨公長者多矣平生所歷類有日記雖
數十年之久一言動之微可披籍而稽也蓋業荒於
嬉而進於勤故有記賓語於屏風之後驗風日於覆
舟之餘者率是物也治天下亦然擁方州之籍聚中
秘之書可謂富矣日歷有記注之官太史受職方之

副復爲之巡狩貢詩翰軒采風農車購遺黃車徵異
其好學深思者又賚油素問計吏撰方言勤勤懇懇
蓋慮前者之無傳而後者之莫考也由前言之一人
之身之事且然况其大者乎由後言之天下之大且
然况其小者乎夫一邑者小於天下而大於一人之
身之事其不可以無所記使前無傳而後無考也的
然矣公安自左公建邑以來紀載寥寥蓋宋以前無
傳人焉明以前無傳政焉非無人與政也莫之傳故
也予也嘗有志著述之業中更世難素好零落歸卧

公安縣志

卷之首

原序

五

林邱倥倥一老農耳邑侯何公洩茲邑明足以造謀
才足以立事忠足以勤上惠足以存下殆有如昌黎
所稱者而又畱意邑故適有徵志之檄訪舊乘不可
得乃集紳士謀所以應上求而爲邑傳不朽者吾友
也家富左史之秘人擅龍門之才顧強起老農旅側
末行使供研摩編纂之役相聚數日凡例森如建章
宮殿畫地成圖矣乃各以事散去獨老農者寄迹城
堞鑿坏無所又念邑中舊事及今尙可知過此則益
無從問而邑大夫嘉惠吾邑所以爲不朽計意甚殷

茲皆不可負遂訪諸耆老之傳聞與平生所覩記不
閱月敘次成篇以復於何公子因是而不能無慨然
也公邑中郎舊志海內稱爲絕奇願以鄙薄繼其後
續貂形玉顧已知慙矣然以中郎之才當久盛之時
官凡舊典家有藏書猶需之三年乃克告竣也今茲
取給於旬月之內播拾於焚鋤之餘問諸官府或有
如蒙穀所獻鐸榘所述者乎而掌故無有也問諸私
家或有如罔稱所傳汜勝所記者乎而巾箱無有也
萬卷之樓飛灰十乘之載掃地憶鮮三篋借慳一鳴

公安縣志

卷之首

原序

五

文史邈簿書之重驚者謝諺誕之遊徒牽率於物態
囁嚅於時化是以臨筆睠顧吐口期吃時哉時哉聖
人所不能爲也此予所爲慨也然而事本踈實指則
多有若機捷譎舉識洞微言則可以稽古今考治亂
察緩急審輕重析利害甄臧否明勸戒正好惡衡升
降推正變猶明鏡鑿形形形赴照而不設一形牟尼
攝色色色映光而非任一色今第曰使前者得以傳
焉耳雖最爾邑勤業好學之流於權衡政術藻鑿人
倫亦豈逃出口記方言下哉

原序

楊之駢

余耆年讀書家塾極愛扶風地里志一篇長而遊歷四方所過通都大邑覽其山水緬彼人風往往質言以歌詠之而匪世南淹博未免甯為闕畧因思傳稱登高能賦遇物知名必以耳目見聞參之古今卷帙夫而後可以深信不疑無媿卿大夫才也歲丙申春余謁銓得公安令偶憶杜子美路危行木杪之句又范石湖孫黃渡詩云棘刺近人牢閉眼泥塗兀馬緊扶鞍心竊訝為匪山城亦即澤國大約鮮可人意者

公安縣志

卷之首

原序

七

及下車來土地表延風俗醇厚秀者事詩書樸者勤稼穡彬彬乎文獻區焉則斯邑也其涵濡雅化已非朝夕之故余幸承乏是邦苟不更進而噢咻之其何以仰副我

皇上子惠元元至意乃撫治五年四野桑麻空邨雞犬民氣自覺和樂禮讓於以繁興余於是進紳士而謂之曰一邑者天下之分天下者一邑之積今

聖天子擴從來未擴之疆圉

命廷臣纂修 皇輿圖考遠而殊方絕域罔不並錄兼

收下自不遺夫一州一邑公邑舊志余嘗取而披閱

之其出袁中郎先生手筆者原序云屬兵燹茲已不可復覩其為前學博孫公績纂者亦未經卒業即前任何公肖石所編輯今亦三卷僅存他若節孝若隱逸與夫藝文諸篇悉皆殘缺放失邑志之修在今日難須臾緩矣爾多士其謂之何諸紳士唯諾以闡揚美盛昭示來茲在斯一役感欣然色喜而退余於是發凡起例博采旁徵殫日夕之力以究之大旨自山川土田外祇期約而該嚴而不濫夫昔者張魏公作

公安縣志

卷之首

原序

六

事不滿人意紫陽綱目無貶詞讀者尙不無疑議一統志永平府名宦載有唐張仲素考盧龍節度前後三人皆張姓曰仲武曰允伸曰公素志乃合二名而曰仲素徒貽識者姍笑卽是以推可見著作家遺言徵事蓋兢兢難之非可苟焉已也余於是編每一摛管懼貽後來疑議姍笑必不肯稍有附會畧為矯誣舊文之可尋繹者更為斟酌繁者汰之畧者詳之間有增入取之多而核之審校魯魚分甲乙自去秋迄今凡十閱月而告竣襄其事者邑子矜龔子三捷之

力居多云今者登諸梨棗付之剞劂氏顯微闡幽雖不敢云罔有遺漏而要欲以傳信而不以傳疑則是書之作與余髫年所嗜長而詠歌區區之心不相刺謬矣異日

輜軒所至倘有足供採擇用以黼黻隆平公邑之幸也夫抑亦宰斯邑者之幸也夫是爲序

公安縣志

卷之首

原序

五

重修公安縣志採訪啟

陳澤霖

昔子瞻不敢作三國史司馬能自成一家言非唯紹述獨隆抑亦網羅綦富公安志初始於袁石公續修於楊令尹異曲同工並難具美洵足稱

昭代同文之雅化爲各區紀盛之宏編第月積歲增星移斗轉遠青之大觀如故淨綠之幽賞若何一鞭殘照過將軍走馬之臺萬丈文光訪武子囊螢之所登吾座者此生以後孰如莊簡任所之兮爲佛邇來詎乏容卿唯是抱殘守缺不及江梅河柳之尙新設非補

公安縣志

卷之首

採訪啟

三

輯重修終與山館水亭而並廢恭逢

太史陳詩心先得我幸有羣英數典項喜說人精銳走雷霆挾天才奚難度地光芒冲霄漢畫日筆盡許揚風然有美必收而無徵不信卅二里靈鍾秀萃毓幾許節義功名百餘年雲散烟銷願大家諷謀詢度或慷慨若侯龐或潔清若萸李或績學累功若福井三湖之邁眾或剛腸傲骨若芝田七澤之超羣或誠孝感神若李生之克回火燄或艱貞撫叔若毛氏之不解霜心顯微闡幽植網罟者率以錄披沙琢璞起

懦者無不應勿以窮鄉僻壤憚於搜尋莫因祚薄門
 衰聽其磨滅他如稱神父頌慈君過客寓公算茲風
 景遊仙醉叟洩彼天機凡屬政教攸關均宜參稽罔
 漏某等難僅知五長未具三志局宏開潤色尙期東
 里華林共纂和衷試告南平疑傳疑而信傳信無徒
 鬪靡誇多善其善而賢其賢且各鈎深索隱昭千秋
 之上理垂諸史策卽承明著作之先聲豈不懿與尙
 其敬爾

公安縣志 卷之首

採訪啟

手

纂輯姓氏

鑒定

二品頂戴分巡荆宜施兵備道 鳳臺孫家穀

荆州府知府前翰林院庶吉士 望江倪文蔚

主修

同知銜署公安 縣 知 縣 江都周承弼

同知銜前署公安縣 知 縣 山陰袁鳴珂

總纂

內閣中書現任公安縣教 諭 安陸王 慰

公安縣志 卷之首

纂輯姓氏

手

協纂

前任公安縣訓導現任 縣西諭 教諭 黃安李廷簧

現署公安 縣 學 訓 導 漢陽李國賓

纂輯

揀選知縣甲辰 恩科舉 人 李洪已

候 選 訓 導 歲 貢 易秉璋

廩 貢 鄒崇泗

候 選 訓 導 廩 生 杜宜詩

參訂

拔	揀選知縣辛亥 恩科舉人	譚光斗
候選	訓導	李澤濤
候選	知縣壬戌 恩科舉人	戴高
候選	訓導 歲貢	鄒毓楨
生	員	沈賜鈞
生	員	陳澤霈
生	員	牟治瀛
校刊		談遇甲
生	員	王盞
生	員	鄒開甲
生	員	田家炳
經理		鄒詡中
州	同附 貢	王樸
生	員	杜宜槐
生	員	朱兆炬
候選	訓導	謝夢巖
生	員	

公安縣志 卷之首

纂輯姓氏

三

附	貢	陳漢清
督刊		
公安縣	房陵司巡檢	陳若杜
公安縣	典史	介休王桂棻
採訪		
廩生	邱昌淮	歲貢 范廷瑄
恩貢	鄧楚金	恩貢 程紹伊
歲貢	劉鼎新	廩生 易秉琳
廩生	田荆山	候選訓導司馬兆旭
增貢	鄒崇衡	增生 羅逢辰
生員	袁立敬	生員 王啟敏
生員	雷子壯	生員 龍逢源
生員	章德霖	增生 高東萊
附貢	饒藝圃	生員 袁勤餘
生員	雷洪丙	生員 黃培芝
生員	龍納言	生員 楊椿榮
生員	宋炳燿	生員 朱英華
生員	魏埤炬	生員 喻洪甲

公安縣志 卷之首

採訪姓氏

五

生員 陳瑞庭 生員 侯傳珪

生員 竺子沅 生員 汪楨遠

生員 陳宗義 生員 高受貴

生員 姜開誠 生員 何鑑湘

生員 羅光澧 生員 袁對春

生員 高訓典 生員 趙林甲

生員 田毓金 生員 薛定沅

生員 桑長齡 生員 鄒希孟

生員 汪懷邦 生員 林向陽

公安縣志 卷之首 採訪姓氏 五

生員 朱保瀾 生員 何春山

生員 田家瑞 生員 熊家泳

監生 王嗣美 生員 杜祉沅

監生 李名駒 監生 李名鈞

生員 林 齋 生員 侯家瑤

監生 沈昌熾 生員 王士經

生員 司馬垚 附貢 甘受和

生員 劉維漢 生員 陳道夢

生員 張坤珏 生員 楊化遠

生員 王家賓 監生 朱紹魁

生員 文志銓 生員 毛家煥

生員 熊際濃 監生 趙世科

監生 胡祖斌 廩生 沈孝嗣

生員 張 杰 生員 鄒丙金

廩生 鄒士傑 生員 陳 詩

生員 陝曙先 生員 蕭德源

生員 陳杏林 生員 龍 駿

生員 田 碩 生員 唐義可

公安縣志 卷之首 採訪姓氏 五

生員 劉元勳 儒士 龔人玉

儒士 戴觀舒

附康熙辛丑修志姓氏

龔三捷 李也白 毛廷申 李應鶯 周 珩

沈俊掄 鄒敬謨 毛維煥 王 蘭 周士慎

曹 璋 杜志瑚 王道隆 冉祚繩 洪 範

高端儀 張雲龍 馬必遇 蔣 鈺 馬維捷

修志凡例

一縣志始於明正統中司諭房陵創修成化朝臨川梁善復增修之規模粗具至萬曆甲辰袁中郎公紀事做襄陽耆舊傳例而其書始成經兵燹後無存

國初孫司訓錫蕃續纂三卷毛廓庵壽登縣志六卷俱未卒業康熙辛丑龔三捷先生彙輯成帙迄今百五十餘年考獻徵文率多闕畧茲集繙繹舊志並博考省郡志繁者節之遺者補之承訛襲謬者訂之非敢意為增損惟期共臻完善庶資觀覽

公安縣志

卷之首

凡例

三

一門類該括古今事蹟宜綱舉目張舊志析類而未分門似無統紀今彙而為綱者八折而為目者七十二每門立大序以晰其本義每類立小序以揭其指歸亦有不立小序者以無關實義即由大序發明至舊志中小序可存者仍之不復另新機杼以眩耳目
一邑在兩漢屬武陵郡廣袤數百里厥後附屬離析遷徙靡常故紀城垣衙署各官地悉以新治為主而舊縣廢址亦必履勘丈量備書之以昭信守
一方隅古蹟流傳已久有舊志未載而見於通志者據

通志補入亦有通志舊志未載而新得於採訪者必確鑿可據然後以次編入舊志圖繪八景未免湊合茲做曲陽志之例僅存其名而圖繪從畧

一廟壇祀典郡邑志例得備書今祇詳

文廟儒賢姓氏而於儀注祭文與夫籩豆牲帛之數詳在會典天下通行者不載節繁文也

一邑本澤國以堤為命有江堤有支河堤有子坑堤而江支二堤又有軍民之別工段丈尺今昔異形備錄之以誌滄桑之感

公安縣志

卷之首

凡例

三

一田賦為維正之供關係民生休戚現在坐支提解與實徵原額閒有未合取近今縣書檔冊及銀米折收定價排比鈎稽並錄原額全數證古所以知今也
一學校賓興書院考棚鄉飲各條事關文教不可畧而不書舊志未詳者今俱增入
一選舉人才之所自出前明邑之賢士大夫接踵而起經濟文章照耀古今舊志登載榮命無關事實姑從闕如
國朝由制科進者固不乏人至科貢外另立例選欲即

異日之事業勲名以觀其人之樹立焉

一 貞節本閭閻之不幸舊縣志及省郡志所載無敢或遺乃其間又有家貧而未邀

旌典或子孫式微不能具其事上達尤屬可憫故志迄今

貞烈從採訪之確實者亟登之以示風勵尋常節孝

事實未詳止列其名非有所軒輊也

一 藝文所以表其人紀其事也其文關邑之風土人情

者備行收入若於邑事無關雖各公著述前志已登

無容沿襲古今詩體惟以朝代為先後不以各體分

公安縣志

卷之首

凡例

五

編次輯志與選詩異也時下鴻章鉅製匪無可傳之

作然必其人已往方可摘登非任情掩抑也體例固

應如此

一 志乘難免摭拾懼失煩尤懼失誣篇中敘怪異兵燹

舊聞軼事必表年月地里志傳信不傳疑也未綴雜

記則舉疆土之分析川澤之源委與夫古今之見聞

異辭前志未及搜出者從寰宇記省郡志及諸名家

集逐一校正即以為是編之總匯云

公安縣志目錄

卷首

敘文 纂輯姓氏 凡例 目錄 輿圖

卷一

地輿志

星野

疆域 形勢附

古蹟

沿革 表敘附

山川 岡嶺湖陂附

卷二

公安縣志 卷之首

目錄

五

營建志

城池 舊城廢址附

壇廟 廟宇附

津梁

第宅

寺觀

官署

鄉市

坊表

塚墓

卷三

民政志 上

戶口 保甲附

田賦